


俗云未久利

海人草



△按海人草生琉球海邊藻花也多出於薩州販干四方
 黃色微帶黯長一二寸有岐無根髭而有微毛其輕虛
 味甘微鹹能瀉胎毒一夜浸水小兒初生三日中先用
 海人草甘草二味或加土砂包帛浸湯令吃之呼曰甜物此
 方不知始於何時本朝通俗必用之藥也吞之兒吐涎
 沫謂之吐穢汁可以去膈上胎毒既及吃乳則不生用
 如味五香湯可下

和漢三才圖會卷第九十八

石草類

攝陽 城醫法橋寺島良安 尚順 編



石斛

シツホツ

石遂 金釵
 禁生 林蘭
 杜蘭
 和名須奈若
 乃久須奈若
 又云伊波久須里

本綱石斛叢生山谷石上五月生苗莖似小竹節節間出
 碎葉其莖葉生皆青色乾則黃色細若小草長三四寸柔
 韌折之如肉實七月開紅花十月結實其根細長黃色斜
 結甚繁乾則自軟節上自生根鬚人亦折下以砂石栽之
 或以物盛掛屋下頻澆以水經年不死俗稱為千年潤又

其莖狀如金釵之股故名之以桑灰洗之色如金
石斛鹹甘淡微 陰中之陽降足少陰脾強陰益精治胃中

虛熱壯筋骨

一種有木斛生櫟木上中虛如木長尺餘色深黃光澤
以混石斛宜辨之

△按石斛出於豐前中津者良伊豫之產次之



骨碎補

石毛薑
胡椒薑
石菴蘭
猴薑

クワツスイプツ

本綱生木或石上多在背陰處引根成條上有黃赤毛及
短葉附之又抽大葉成枝葉面青綠色有青黃點背青白
色有赤紫點其葉有極缺頗似貫衆葉其根扁長畧似薑
形故有薑之名

根苦温

足少陰藥故能入骨治牙及久泄痢久泄亦屬

腎虛不可專從脾胃又治耳鳴耳亦腎之竅也最破血

止血治傷折補骨碎故名之

△按骨碎補出於紀州熊野者良



石韋

石韋
石蘭
石韋
石皮
和名以波乃加波
一名以波久美
俗云比登豆波

シライ

本綱石韋叢生山谷石旁陰處其葉長者近尺濶寸餘柔
韌如皮背有黃毛凌冬不凋

葉苦平

治小便淋痛及便前血者宜去黃毛射肺

一種金星草

即石韋之背有黃星者也見于後

△按石韋丹波伊豫處有之其葉厚柔韌深綠色面有
微黃粉如毛背淺白而如有白毛也不黃毛

金星草

鳳尾草

金星草 七星草



キンセイソウ

本綱金星草即石葦之有金星者喜生背陰石上溪處及竹箐中少日色處或生大木下及古瓦屋上初出深綠色葉長一二尺堅硬至深冬背生黃星點子兩兩相對色如金無花實凌冬不凋其根盤屈如竹根而折之有筋如猪馬駿也

根葉 苦微酸寒

治癰瘡及服石藥發毒者然性至冷下利服

后須補治老羊不可輒服但塗瘡腫殊妙根浸油塗頭

大生毛髮烏髯髮又能通五淋

△按金星草亦名一葉即石葦之類而葉比石葦堅硬而狹背黃色頗如葦有星形似鮫文而黃色甚異品


丹草

丹草

石長生

俗云昔開良州又云開祿連牟州

シツチエスエシ



本綱石長生生石巖下葉似蕨而細如龍須色似檜而澤勁莖紫色高尺餘不與餘草雜四時不凋

莖葉 鹹微寒 治寒熱逐諸風治疥癬辟邪魅

△按石長生生溪澗井石間狀似蕨而面背青夏背蒼子茶褐色如虎尾草子莖紫黑為折傷及痰咳隔噎藥

くらのを

俗稱 正字未考

虎尾草

濕草有同名



△按虎尾草生石縫間及竹藪中葉似大葉蔽葉而甚厚硬微反無枝極其背有茶褐色粉點無花實彼粉點若是為子乎其散布處迥隔二三尺亦自然出生一莖僅寸許頂有一葉似蕎麥葉而微成三稜尋為二葉此時無識虎尾草之苗者終莖葉全備亦一異也人家亦栽之



景天

キンテン

慎火 戒火
救火 椽火
辟火 蕪火
火母

和名以岐久佐俗云辨慶草

本綱景天極易種折枝置土中澆溉旬日便生也二月生苗脆莖微帶赤黃色高二三尺折之有汁葉淡綠色光澤柔厚狀似長匙頭及胡豆葉而不尖夏開小白花結實如連翹而小中有黑子如粟粒人皆盆盛養于屋上云可辟

火故有慎火救火之名

△按景天似佛甲草而大者也折取之倒懸于檐間經日不凋復栽于地亦能活也勝於馬齒莧蓋辨慶者源義經之家臣而女童相傳以為強勢之士故相比名之矣和名以岐草亦活之字訓乎



佛甲草

ホツキヤツツアウ

山草部有佛指甲草亦此類乎

俗云岩蓮華

本綱佛甲草多附石向陽而生二月生苗成叢高四五寸

脆莖細葉柔澤如馬齒莧尖長而小夏開黃花經霜則枯人多栽于石山瓦墻上有花不結實甚大者乃景天草也氣味微毒治湯火灼瘡研貼之

△按佛甲草淡綠色而初生形色彷彿佛座蓮華故曰磐


蓮華層層生葉而未窄狹開小白花狀如浮屠之塔
爪蓮華其葉細長似獸爪又如胡葱秧者比比生也狀
 與紫蓮花同當年生者無花翌八月著花性最惡濕



以知草

正字未詳
景天草和名
謂以收久俟
此亦景天之
屬也故誤曰
以知草乎

△按以知草似景天草而極小者又似爪蓮華苗高三四
 寸莖枝弱如蔓繁茂五月開小黃花人家庭園栽易茂



壁生草

萬年草
玉柏亦稱萬
年草但草字
音與訓別爾

△按壁生草昂以知草之類而葉畧闊色嫩濃性好水而
惡深濕極易生或細切莖揀地則活雖石壁上初以濕
土栽之則久不死五月開五瓣尖小黃花似以知草花



虎耳草


俗云野下草

石荷葉

本綱虎耳草生陰濕處入亦栽于石山上莖高五六寸有
細毛一莖一葉如荷蓋狀葉大如錢狀初生似小葉葉及
虎之耳形夏開小花淡紅色
微苦辛寒
治瘟疫瘧酒服
生用吐利人
有小毒
治痔瘡腫痛
陰乾燒烟桶中熏之治聾耳搗汁滴之

△按虎耳草葉布地生其花白帶淡紅微似秋海棠之態

結子株其葉黑燒和油傳小兒頭瘡為良



石胡荽

天胡荽 野園菜 鷓鴣不食州 鷄腸草

シラウスイ 藤縷草亦名雞腸同名異物

本綱石胡荽生石縫及陰濕處小草也高二三寸冬月生苗細莖小葉形狀宛如嫩胡荽其氣辛薰不堪食鷓鴣亦不食之夏開細黃花結細子極易繁衍僻地則鋪滿也石胡荽葉 辛寒 通鼻氣利九竅能通干天頭與肺皆天也故能上達頭腦而塞鼻瘕肉自落赤眼餘腎亦塞之鼻內自去凡月中諸病皆可用之生按更神又能散瘡腫止痔痛

螺厖草



レイヤツウ

本綱螺厖草蔓生石上葉狀似螺厖微帶赤色而光如鏡背有少毛小草也

氣味 辛 治 癰腫風疹癩爛傳之 亦煮湯洗腫處 治小便出血吐血 血脈血離痛又治小兒頭瘡和油傳之

酢漿草

かぐらみ 三葉酸 二角酸 雀林草 酸母 雀兒酸 酸箕 赤孫施 鳩酸 豆 小酸房 醋母



本綱酸漿草叢生陰濕苗高一二寸布地極易繁行一枝
三葉一葉兩片至晚自合帖整整如一四月開小黃花結
小角長一二分內有細子冬亦不凋其初生嫩時小兒喜
食之南人用指礮石噐令白如銀燈籠草亦名酸漿
葉酸寒殺諸小蟲惡瘡癰疔搗傳之通諸淋服之洗痔

脫肛甚效塗湯火傷及蛇螫良

△按酢漿草和訓加大波美俗處處多有之繁行如蔓葉
色紫或綠小兒採之乃久佐和鹽裏干搗吸汁又接其葉珠真
鑰色黯者則如新然淡白失本色但用綿實裝灰珠



地錦

醬瓣草地朕
草血竭兼夜
血風草地噤
血見愁夜光
雀兒臥單

馬燈草 糊搗頭草 赤草

本綱地錦田野寺院及階砌間有之小草也就地而生葉
赤葉青紫色夏中茂盛六月開黃花或云紅花也結細實
色黑狀如蒺藜之形斷莖有汁此草馬燈雀兒喜聚之故
有其名

葉辞云通流血脉亦治氣能散血止血利小便故血淋
血痢臟毒及婦人血崩皆服之有金瘡出血不止者
塗之良

△按地錦原野瘠地生莖赤勁有白汁葉似馬齒莧而薄
小六月開小赤花結小角兒中有細子鱗與此不同



崖櫻

俗云加辛曾又
崖櫻之字音
之誰乎

本綱崖櫻施州石崖上有之苗高一尺以來狀如櫻四季

有葉無花土人采根去粗皮入藥以下註皆見本草
 氣味甘辛 治婦人血氣并五勞七傷以根用同半天回
 雞翁藤野蘭根四味焙為末每温酒下丈夫無所忌婦人忌雞魚濕麩

半天回 生施州春生苗高二尺以來赤斑色至冬苗枯
 雞翁藤 生施州蔓延大木上有葉無花

野蘭根 生施州叢生高二尺以來四時有葉無花
 △按件四草共生施州不謂有於他國非海遠去南京三百四十里

崖稷 生深谷石間其根株大有赤黑毛似稷櫚莖硬
 長亦如稷其葉似番蕉葉而片片微團如編破管四時

不凋無花實移栽人家不活其枯葉經年不落之花者
 用榨水則潤亦奇也總形狀近于番蕉遠于稷櫚也蘓
 頌之時代中國番蕉不有故唯謂如稷乎蓋彼圖大異
 也而不應于本文焉後人可考故今改圖



吉祥草

吉祥草

草本花詩譜云吉祥草易生不拘水土中石上俱可種惟
 得水為佳用以伴孤石靈芝清甚花紫蒼生然不易發如
 家房種之有花似云吉祥

△按紀列熊野山谷有草俗名谷渡其葉長二三尺似石
 韋而薄硬色亦淡一根數葉未見其花有無如是吉祥
 草之類乎

絡石

出子蔓草部



蟹草

かまぐさ 俗稱

△按蟹草山谷石縫間有之人家盞盃際栽之高一尺許
莖細硬葉細長區如韭菜撮而有又表裏蒼四時不凋
無花實



